


ФЕВРАЛЬ

15-це шистонза 1941 кизоня

19 (1815)

ПИТНЕЦ 5 тр.



Комсомолю ВАЙГЯЛЬ

ВЛКСМ-нь МОРДОВСКИЙ ОБКОМЪ И САРАНСКИЙНЬ ГОРКОМЪ ГАЗЕТАСНА

ЛИСЕНДИ

9-це КИЗОСЪ

Адресс: г. Саранск,
Советская ул., Дом печати.

ОД ЛОМАТТНЕ ВКП(б)-нь XVIII-це КОНФЕРЕНЦИЯТЬ ПАНЖЕМА ШИНЦ ВАСЬФТЕЗЬ ДОСТОЙНОЙ ПОДАРКАСА

ВКП(б)-нь XVIII Всесоюзная конференция лемса социалистический соревнованиянь волнась фатязе марнек странать, сембе советский народть—сиренек и однек. Синь эздост кажнайсь работань эсь отраслясонза сявсь лангзонза обязательства нинге ламонь крда сядя кеподемс трудонь производительность. Тяфтама традицияци минь народоньконь, эрь исторический дататненъ васьфнемс родинати од производственной победаса, научнай открытияс, од героический подвига и стак тов. Максоме странати, кода можна, сядя лама товар, продукция—именна тьянь советский ломаттне лувондса эстист почетнай обязанностекс и честекс. И пашкодемк тя обязанность, народсь нинге весть демонстрирует эсь несокрушимай виинц и волянц, эсь морально-политический единстванц, коммунистический партиять перьф эсь сплоченностенц.

Всесоюзная коммунистический партиять XVIII-це конференциячесть соревнованияяти лама вастова инициаторк ашихть комсомолецне—од ломаттненъ вожаксна. Синь тя соревнованияс нафнесть остальной массати трудовой доблестень личный пример.

Саранскийнъ хлебокомбинатть од рабочайнза конференциячесть сывф обязательстваснон пашкодезь досрочно. Мишечкин ялгать од ломанень бригада эрь шиня работань норманц пашкотькшнесы 138 проценте. Эрь шиня максси 80 килограмма прыника планда вельф.

Трудонь оцю производительность сатсь Шетинин ялгать од ломанень бригада. Тя бригадань рабочайне эрь шиня пидихть 280 килограмма сдоба. Комсомолец Б. Кочетов ялгась, работамок садчикокс, норманц пашкотькшнесы 150 проценте.

Тя социалистический соревнованиень вельде комбинатсь сатозе сян, што эрь кафкса части максси 1,5 тоннат продукция планда вельф.

Аф калдяв результат тя соревнованияс сатсь и Ладский районца «3-й с'езд Советов» колхозонь комсомолецне, конат конференциячесть пашкодезь эсь обязательстваснон—колхозть паксанзон лангса

ловонь кирдемасть, минеральной и местнай удобрениень ускомать и кочкамать коряс.

Тячи панжеви большевистский партиять XVIII-це исторический конференцияч. Партиять посланецна, родинати инь лучшей ц'еранза и стиренза, выражандамок партиять и народть волянц, васенце валснон посветят Сталин ялгати, сембе миронь угнетеннайхненъ вождьснонды и другснонды. Синь правас коря лемцазь конференцияч од победань итогонь конференциякс,—тихть итокт сят всемирно-исторический значениянь сатфксенди, конатненъ сатозенъ монолитнай коммунистический (большевиковъ) партиясь эсь гениальной вожденц Сталин ялгати руководстванц а ла ВКП(б)-ть XVIII-це с'ездонза меле. Советский народсь лац содасыне нят сатфксенъ, ибо сон марясыне синь эсь собственной эряфсонза, эсь благосостоянианц цебарьгофтомаса. Партиять достижениянза—нят народть достижениянза. Ибо партиять аш лия интересонза, народть интересонза башка.

Рянок партиять мархта и сонъ руководстванц ала конференцияч аноклась марнек народсь. Нинге лама шида конференцияч панжема инголе лама предприятия, колхост, учреждения, башка патриот печатть страницанзон эса сообшали конференцияч честь сатф достиженияснон. Вов, штоба наглядна убедиться тьянь эса, макссетяма вал эстист факттенди: Чамзинский районъ «Труд инвалида» артельса аелонь кодама цехсь квартальной планонц февральть 10-це шинцы пашкодезе 93 проценте, шпагатонь понама цехсь—63 проценте, рогожань кодама цехсь—65 проценте. Артельсь стахановецонза А. Карягин ялгась эрь шинь норманц пашкотькшнесы 200 проценте, Е. Денисов ялгась—170 проценте, Покровкин и Аношина ялгатне—160 проценте.

«Красный коноплевод» совхозонь трактористне (Краснослободский район) конференцияч честь тракторнай паркть прокс аноклазь тундань видемати.

Задачас тьяни ащи сян эса, штоба аф лоткамс нят сатфксенъ лангс, а нинге сядя касфтомс синь.



Февральть 8-це шистонза СССР-нь Верховнай Советть Президиумонц председателец М. И. Калинин ялгась вручил награжденнайхненди ордетт и медальхть.

СНИМКАСА: Советский Союзонь Геройсь младшай командирсь Николай Иванович Ударовсь. (Фотось ТАСС-ть).

СЕМБЕ КОМСОМОЛЕЦНЕ СТАХАНОВЕЦ

Посопонь «Канат» артеленъ рабочайне и работницатне, анокламок большевистский партиять XVIII-це конференцияч панжема шинцы, сатсь производственной оцю сатфкт. Синь XVIII партконференцияч ознаменовандазь стахановский и ударнай работаса.

Тяфта придилайнъ пехонь бригадирть Козлов комсомолец бригаданорманц систематически пашкотькшнесы 150—160 проценте.

Добросовестнай работань цебарь образец нафнихть Карякина Верась, Торгашева и Волкова комсомолкатне, конат нормаснон пашкотькшнесазь 170 проценте.

ВЛКСМ-нь комитетть секретаренц Вазуркин ялгати инициативанц вельде комсомолецне анокласть XVIII партийнай конференцияч лемс лама обороннай подаркат.

Тя организациянь комсомолецне примасть участия РККА-ть 23-це годовщианц лемса лыжной кросса и максозь лыжас коре норматненъ 1-пе ступень ГТО-нь значокс. Комсомолец Карякин ялгась максозень тьялонь норматненъ II ступень ГТО-нь значокс.

Тяфтама производственной и обороннай подаркат анокласть комсомолецне родинати.

И. Белов.

Саранский р-н.

КОМСОМОЛЕЦНЕ ИНИЦИАТОРХТ ОЦУ УРОЖАЙТЬ ИНКСА ТЮРЕМАСА

Ковылкинский райононь комсомолецне вятихть большевистский тюрема оцю урожайть инкса. Васильевка велень комсомолецне (комсомольский организациянь секретарь Шусткин ялгась) кочкасть 9 центнерхт кулу и 2 центнерхт саразон помет. Синь тяфта жа примсихть активнай участия колхозть лия тевонзон эсовок, кода видьмонь сортировандамаса, инвентарень ремонта.

Шямонь велень комсомольский организациясь (секретарь Филиппов ялгась) возглавил колхозникненъ ёткас работать ловонь кирдемасть коряс. Синь инициативаснон коряс кирдьф ловда 70 гектар лангс.

Тяфта жа лац работайхть

комсомолецне С. Дубровка велеса, коса комсомолецненъ вииснон марха и синь инициативаснон коряс кирдьф 250 гектар лангс лов и ускф паксав 1.000 усф назем. Самовольевка велеса, коса комсомольский организациянь секретарькс работай Котов ялгась, кочкаф 3 центнерхт кулу, 2 центнерхт саразон помет и стак тов. И сембе нят работатненъ эса комсомолецне примасть инь активнай участия.

Однак, нинге аф сембе первичнай организациятненъ эса тяфта ащи тевсь. Лама первичнай организацияч нинге ширеса ашихть нят важнейшай мероприятиятненъ ётафтомаснон эзда. Тяфтама организа-

КОМСОМОЛЕЦЪ ЧЕСТНОЙ РАБОТАЧ

Нинге начальнай школыс тонафнемстакиге Ваня Барминц кельгозенъ технический дисциплинатненъ—физикать, химиять, математикать. Школаса тейнза ламос тонафнемс ашезь сав, аделазе 5-це классть и 1939 кизоня ушедсь тонафнема «Дубитель» заводса токарнай тевти.

Ванясь кельгозе токарнай тевть. Сон прилежна ушедсь тонафнема и фкя кизоста арась настоящей токарькс—специалистокс. Кода комсомолец, Барминц оцю маля шарфни эсь специальностенц касфтоманцты. Сон лувонды токарнай тевть колга литература. Сядя башка сон касфнесы эсь политический кругозоронц. Сембе тя макссь возможность сянди, што Барминц производственной норманц пашкотькшнесы 115—125 проценте.

— Минь эпохастонк любовой специалистсь ули аф полноценнай, кда сон аф тонафнесы марксизмань-ленинзмань основатненъ,—корхтай Ванясь. —Сталин ялгась тонафнесамазь минь сянди, штоба содаме марксистско-ленинский теориять, содамс общественной развитиань и классовай тюремань закоттненъ.

Эрь комсомолец должен честна и добросовестна работамс, улемс примеркс производстваса.

Барминц содасы тьянь и сон тонафнесы военной тевть. Сон цебарьста якай лыжаса, содасы винтовкать материальной частензон.

— Тядде мон молян кельгома Краснай Армияньконь рядонзонды,—корхтай Ванясь.—Мон анокласа эсь прызень стане, штоба улемс примернай боецокс. А кда врагсь врыгати минь родинаньконь лангс, мон карман тюрема стане, кода тюреть минь героический воиноньке Халхин-Голса, Хасанца, Финляндияса. Коммунизмать великай тевонц инкса путса сембе виизень, а кда эрявскты аф ужалдыса эсь эряфозенгс.

П. Горьканов.

Зубово-Полянский район.

ВЛКСМ-нь ЦК-са

ВЛКСМ-нь ЦК-са тифт итокт Краснай Армиять XXIII годовщианц лемса Всесоюзная комсомольский кроссть васень кемонь шинзонды. Аф полнай сведениятненъ коряс, лыжной и пешай соревнованиятненъ эса примасть участия 2 миллиотт 150 тежянь комсомолец.

ВЛКСМ-нь ЦК-сь одобрил лама комсомольский организацияч предложенияснон Краснай Армиять XXIII годовщианц лемса Всесоюзная кроссть февральть 23-це шинцы аделаманц колга. Тьянь коряс ВЛКСМ-нь ЦК-сь предложил ётафнемс кроссонь участниконь массовой соревнованиятненъ аф аныдек выходной, но и рабочей шитненъ эздовок.

(ТАСС).

К. Чугунова,
ВЛКСМ-нь Ковылкинский райкомть секретарь.

ВЛКСМ-нъ МОРДОВСКИЙ ОБЛАСТНОЙ КОМИТЕТЪ ОМБОЦЕ ПЛЕНУМОНЦ ПОСТАНОВЛЕНИЯЦ

1941-це КИЗОНЪ ФЕВРАЛЬТЪ 10—11 ШИСТОНЗА

ВЛКСМ-нъ Мордовский обкомъ секретаренц Сазанов ялгать «Велеса культурно-политический работаса комсомольский организациятненъ участияснон колга» докладонц коряс.

Пяшкотъкшнемок ВКП(б)-тъ XVIII-це съездонц решениянзон трудящайхненъ коммунистический воспитанияснон колга, велень лама комсомольский организацият кармасть примсема активнай участия культурно-политический работат вишконтемаса и максехть практический лезкс клупненъ, изба-читальнятненъ, библиотекатненъ эрь шинь деятельностьснонды (Ичалковский районъ Кергуды, Лямбирский район Пензятка и лият).

Тяка пингтъ ВЛКСМ-нъ обкомъ пленумоц отмечает комсомольский организациятненъ велеса культурно-политический работат вишконтеманц коряс оцю аф сатыксонъ наличияснон.

ВЛКСМ-нъ лама райкомт и велень комсомольский организацият ашихть ширеса велеса культурно-политический работат вишконтеманц эзда, аф лездыхть клупненъ, изба-читальнятненъ, велень библиотекатненъ работасонды и аф вятихть тюрема од ломаттненъ уродливый формаса развлеченианъ фактненъ каршес (пьянкатъ, хулиганстватъ и стактов).

Политико-просветительнай учреждениятненъ ламошасна работайхть аф удовлетворительнайста: калдывста оборудовандафт и аф ушневихть (Чамзинский районъ Альинский, Ардатовский районъ Четвертаковский, Игнатовский районъ Барахмановский велень) изба-читальнятне и стактов. Клубонъ, изба-читальнянъ заведующайкс сидеста кочкесвихть случайнай ломатъ, конат аф обеспечендакшнесазъ задачатненъ пашкодемаснон, конат ашихть нят учреждениятненъ инголе.

Велень интеллигенцияс клупненъ, изба-читальнятненъ работас привлечендакшневи калдывста, аф удовлетворительнайста ладяф антирелигиознай и агротехнической пропагандасы.

Республиканъ велетненъ эса распространеннай посиделкатне аф шуроста представленайхть чуждай ломаттненъ влиянияснонды, конат развращаюц од ломаттненъ (Теньгушева, Темникова, Дубенки), а комсомольский организациятне ашихть ширеса од ломаттненъ отдыхснон организовандаманц эзда, сембе эсь массовый работаснон этафнесазъ изолированнайста аф союзнай од ломаттненъ эзда, аф использовандакшнесазъ посиделкатненъ кода од ломаттненъ эткса культурнай работанъ организациянъ форма и пняк аф правильнайста стремидондайхть административна машфтомс посиделкатненъ, аф организовандакшнемок такажа пингста условият од ломаттненъ культурнай отдыхснонды.

Лама райкомт и велень комсомольский организацият аф вятихть тюрема велеса культурат инкса, не прививают комсомолеченди и од ломаттненди культура синь работасост, бытсост и общественной имуществати бережливый чувства.

Пленумъ отмечает, што ВЛКСМ-нъ райкомтненъ видеса

культурно-массовой комиссиятне таниненъ пингты самс ашестъ ара настоящей рукойводителькс и инициаторкс велеса массово-политический работат вишконтемаса, а эсь деятельностьснон ограничендакшнесазъ аныцек культуранъ районнай куттненъ работаса.

ВЛКСМ-нъ обкомъ пленумоц постановляет:

1. Лувомс велеса комсомольский организациятненди важнейшай задачкас од ломаттненъ и сембе населения эткса культурно-политический работат вишконтеманц и клупненъ, изба-читальнятненъ, библиотекатненъ и краснай уголокненъ деятельностьснонды практический лезксонъ максоматъ.

2. Обязать ВЛКСМ-нъ райкомтненъ и первичнай комсомольский организациятненъ 1941 кизонъ март ковтъ 15-це шинцы проверяс ВКП(б)-нъ Мордовский обкомъ бюронц, МАССР-нъ СНК-тъ 1940-це кизонъ ноябрь ковтъ 5-це шинцы эзда «Политпросвет учреждениятненъ работаснон колга» решенияснон пашкодеманц и марса народнай образованиянъ оргаттненъ мархта тиес эрь изба-читальняса, клубса, библиотекаса образцовай порядоци и вятес повседневнай работа, ладямс синь эсост самодеятельнай кружокненъ работаснон (драматическийхненъ, хоровойхненъ, музыкальныйхненъ, кройканъ и стаманъ и стактов), сувафтомом синь эсост активнай участият аф союзнай од ломаттненъ.

3. Обязать райкомтненъ и велень комсомольский организациятненъ вятес решительнай тюрема посиделкатненъ эса од ломаттненъ ланге чуждай влияниятненъ каршес и од ломаттненъ развлеченианъ уродливый формаснон каршес. Сявомс посиделкатненъ комсомольский влияният алу. Потафнемс посиделкатненъ эса массово-политический работа и организовандамс од ломаттненъ разумнай, культурнай развлечениятненди.

4. Обязать сембе райкомтненъ и велень комсомольский организациятненъ вишконтемс тюрематъ велеса культурат инкса. Мобилизовандамс комсомолеченъ эшиенъ ароптома, водоемонъ строяма, ульцяв шуфтонянь озафнема, велень советонъ, колхознай правлениянъ помещениятненди, колхозниконъ квартиратненди культурнай видонъ тиема и стактов. Воспитандакшнемс комсомолеченди и од ломаттненди культура работаса и бытса, а тяфта жа общественной имуществати бережливый отношениянъ чувства.

5. Отмечандамок неграмотность и малограмотность машфтомаса комсомольский организациятненъ аф удовлетворительнай работаснон. Пленумъ вешти сембе комсомольский организациятненъ ширде большевистский работа «Неграмотность и малограмотность машфтомаса Мордовиянъ комсомольский организациятненъ участияснон колга» ВЛКСМ-нъ ЦК-тъ решениянц пашкодеманц коряс. Лездомс

народнай образованиянъ оргаттненди неграмотнайхненъ и малограмотнайхненъ, особенно подросткатненъ, конат танимс апак фатякт учетса, выявляенияснонды, сатнемок неграмотнайхненъ и малограмотнайхненъ полнайста тонафнемаса фатямаснон.

6. Предложить ВЛКСМ-нъ сембе райкомтненди марса райзотненъ мархта Игнатовский районъ партийнай и комсомольский организациятненъ примерснон коряс разработандамс конкретнай мероприятият колхознай активонъ школатненъ развертыванияснон коряс, сувафнемом ня школатненди од ломаттненъ.

Практиковать клупненъ, изба-читальнятненъ эса агрозоотехнический темас коре лекциянъ, докладонъ этафнемат, тарксемок тя работати велень хозяйстванъ специалисттненъ и передовикненъ.

7. Отмечандамок общественнай работас велень интеллигенцият совершенно аф удовлетворительнай привлеченианц, обязать ВЛКСМ-нъ райкомтненъ и первичнай комсомольский организациянъ секретарьхненъ этафнемс сембе политико-массовой работат колхознай активитъ, учительстват и велень иля интеллигенцият мархта марса, систематически поручандакшнемс теист докладонъ, лекциянъ и беседанъ этафнемат различнай темас, конатненъ мархта интересуются од ломаттненъ.

8. Обязать райкомтненъ, культурно-массовой комиссиятненъ и сембе первичнай комсомольский организациятненъ шарфтомс особай мяль населениянъ и од ломаттненъ эткса антирелигиознай работат шире. Систематически этафнемс лекцият и докладт антирелигиознай темас и максемс всяческий лезкс Воинствующай безбожниконъ Союзт работаса.

9. Путомс МАССР-нъ Совнаркомтъ видеса Кинофикациянъ Управлениянъ инголи кизефкс велень киносеть и кинопередвижатненъ работаснон цебарьгофтоманц колга. Рекомендовать велетненъ эса сеансенъ ушедомда инголе картинатъ содержаниянц колга нюрхкяне

беседанъ тиендема, использовандакшнемок беседанъ этафтома велень интеллигенцият.

10. Предложить райкомтненди, культурно-массовой комиссиятненди и сембе комсомольский организациятненди цебарьгофтомс населеният эткса агитационнай работат, шарфнемок сембе мяль од ломаттненъ советский патриотизманъ, родинати, Ленинонъ Сталинонъ партияснонды, советский государствати крхка кельгоманъ духса воспитаният шире.

11. Шарфтомс МАССР-нъ Наркомпротъ мяленц народнай образованиянъ отделхненъ ширде клупненъ, изба-читальнятненъ лангса аф удовлетворительнай руководстваснон лангс, избачненъ деловой и политической квалификацияснон калдывста касфтоманц лангс и политико-просветительнай учреждениянъ руководителхненъ сидеста полафнемаснон лангс.

Предложить ВЛКСМ-нъ райкомтненди максомс лезкс народнай образованиянъ оргаттненди клупненъ, изба-читальнятненъ лучшей ломанца уккомплектованиясост и примамс мерат работати синь кемокстамаснон инкса.

Поручандамс ВЛКСМ-нъ обкомтъ пропаганданъ отделонцты МАССР-нъ Наркомпротъ мархта марса 1941-це кизонъ мартъ 1-це шинц самс разработат клубонъ, изба-читальнянъ работанъ примернай план, обеспечендамс синь мархтост сембе политико-просветительнай учреждениятненъ.

12. Райкомтне, культурно-массовой комиссиятне и сембе первичнай комсомольский организациятне должет сатоме синь, штоба клупненъ, изба-читальнятненъ, библиотекатненъ, краснай уголокненъ сембе работасна улець направленной васендакиге хозяйственно-политический задачатненъ успешнайста пашкодемаснонды, населениянъ эса общественной имуществати бережнай отношениинъ чувстватненъ привитияснонды и колхознай строить сяда тов кемокстаманц инкса тюремат.

ВЛКСМ-нъ Мордовский областной комитетъ секретарец И. СОЛОВЬЕВ.

СВБ-нъ ОРГАНИЗАЦИЯС УШЕДОЗЕ ЭСЪ РАБОТАНЦ

Сире Сомайнъ НСП-са лама пинге СВБ-нъ организацияс ашезъ этафне эсь членонзон эткса кодамовок работа. Тянь колга лама ульсь корхтаф комсомольский и ученический собраниятненъ эса, ульсь сёрматф и газетас.

Тяда меле работасъ тя организацияс цебарьгодс. Руководитель Столяров ялгасъ, кода историянъ преподаватель,

сонъ кармась тиендема лекцият антирелигиознай темас. Нят питненъ сон лувсь лекция «Коста сявовс Иусе Христосъ» тематъ коряс.

СВБ-нъ четтне эсь собраниясост лихтеть постановлениа сяда сиденият этафнемс тяфтама темас лекцият.

Атишев.

Рыбинский район.

КОЛХОЗНАЙ КЛУБОНЪ СЦЕНА ЛАНГСА

С. Синдрованъ райононъ соцкультуранъ кудтъ видеса драмкружокс оцю работа этафни А. Н. Островскийт пьесанзон колхознай клубонъ сценаса пучомаснон инкса. Драмкружоконъ участникне А. Н. Островскийт «Без вины виноватые», «Бед-

ность не порок» и «Женитьба» пьесанзон путнезь соцкультуранъ кудтъ сценаса, а сяда меле тиендестъ гастрольнай поездкат колхозенди.

П. Тултаев.

Сире-Синдрованъ район.

Лучшай од ломаттне сувсихть комсомолу

Оцю воспитательнай работа Од Выселканъ средняй школанъ комсомольский комитетъ этафни аф союзнай од ломаттненъ эткса. Комсомольский комитетъ секретаренц Луконина ялгасъ втягивает аф союзнай од ломаттненъ сят мероприятиятненъ эса участият, конатненъ этафнесине комсомольский организацияс. Например, тяса самодеятельнай кружокненъ работас таргафт и аф-союзнай од ломаттневок.

Тяда башка, афсоюзнай од ломаттненъ эткса этафневихть и разнай беседат комсомолтъ эряфонц, роленц и задачанзон колга. И кода результат, тяда меле передовой од ломаттне оцю воодушевленияс сувсихть комсомолтъ рядонзонды. Аныцек мекольденъ пингтъ тя организацият составе сувсигъ 5 четт и, тага максф ни первичнай организацият лемс 10 заявленият, коса ученикне эняльдихть примамс синь Ленинско-Сталинский комсомолтъ рядонзонды. В. Обшев
Зубово-Полянский район.

ПРОГУЛЬЩИКСЪ ПАНЬФ КОМСОМОЛСТА

— Кода не тонъ тяфта лисс, што 30 минутас поздайть работас?— кизефтезь комсомолечне Ключеватъ.

— Тяфтак, ашенъ стая шобдава и сембе! Равнодушнайста, бта мезеньге калдыв ашезъ тий,— отвечасъ сон. «Эка кода важность, марьяк арьсесъ сон эсь пачканза пале част, пале част познадаине работас и обучаюц». И аф ламос думандамда меле тага вестъ азозень сяка валонзон: «Ашенъ стая и сембе! Сяка калдывсь, судендамазь».

Аф тяса калдывсь, конечно, а калдывсь тоса, што Ключевасъ нарушандазе государственнай законть. Калдывсь синь эса, што Ключевасъ растратил 30 минута государственнай время. И, наконец, калдывсь синь эса, што Ключевасъ ся цехса, коса работай сон, не возглавил труддисциплинат инкса большевистский тюрематъ, а мекланкт, сонъ нарушил сонъ. Аф случайна, тя цехса 1941 кизонъ январста 5 ломатъ прогулонкса судендафт.

Ключевасъ тиезе прогульт январтъ 11-це шистонза, и курокста тяда меле ульсь судендафт. Но первичнай комсомольский организацияс мянь февраль ковти самс либеральничал мархтонза. Сембе коль арьсекшнесъ, панемс или аф панемс тяфтама «цебарь» стирнять комсомолста. Аныцек февральт 6-це шистонза комсомольский собраниясост лихтеть решения панемс Ключеватъ комсомолста.

Тяфтама сиде прогулкне Саранск ошень хлебокомбинатса азонкшневихть аныцек сянь мархта, што СССР-нъ Верховнай Советъ труддисциплинат кемокстаманц колга указонц тяса нинге ашезъ пачфте эрь работайть сознанияс, повседневна аф азонкшнесазъ сонъ теист, а мязрда бди корхтасть сонъ колганза, и тяда меле юкстазь. Хотя юкснемс тя исторический документъ теист прават кивок ашезъ максес.

М. Сайгин.

Карматама голосовандама коммунистонъ и беспартийнайнь блокъ кандидатонзон инкса

Сарга велень советти депутатонди кандидатке колхознай собранияса выдвинутайхть Пьянзин Иван Федорович и Алямкин Иван Иванович.

Алямкин Иван Иванович од ломань. Сон шачсь 1918 кизоня. Нинге аф кунара сась Краснай Армияста, коса честь мархта вань социалистический отчизнать границазон. Алямкин ялгась работай животноводческий бригадаса бригадиркс. Работань та участкасонга няфтезе эсь пряв, кода родинань пламенной патриот.

Пьянзин Иван Федорович «Красное знамя» колхозть фкя инь пебарь стахановец. Од ломань, конац аф пели кода-

мовок трудността, работай колхозса различнай черновой работаса. Норманц пашкоткшнесы 120 проценте.

Тя велень избирательхне тяфтажа выдвинули С.-Шайговань районнай Советти депутатонди кандидатке ВКП(б)-нь Ст.-Шайговань райкомть васенце секретаренц Баленков ялгать.

Избирательхне цебарьста сдасазь эсь кандидатсон биографиясон и азозь эсь мялсено, што сине февральть 23-це шистонза кармайхть голосовандама нят кандидаттнень инкса.

П. Резаев.

С.-Шайговань район.

Возглавить оцю урожайть инкса тюремать

Ценнай почин няфтеть Смоленский, Куйбышевский, Тамбовский и лия областень комсомолецне оцю урожайнекс тюремать коряс. Сине, обсуждамак Сталинградский тракторнай заводонь комсомолецнень инициативасон сембе вастова экономиять инкса, расточительствать каршес тюремать инкса, сувасть социалистический соревнованиея сталинский 8 миллиарт пуд сёроть инкса.

Тя инициативать фатязь лама комсомольский организациат и минь республикасоновонга. Ланось сине эздот по-настоящему тюрхть колхозса экономиять инкса и вятихть большевистский тюрема салайхне каршес. Но, однак, улихть нинге первичнай комсомольский организациат, тяниме ширеса ащихть та важнейшей инициативать эзда. Тяфтама организациань лувкес сувеи Порапа велень первичнай комсомольский организациас (секретарь Коральков ялгась). Таса колхозсь та тилоть фкявок гектар лангса лов ашезь кирде, местнай удобрений, кода саразон помет, кулфт аф кочкес, а комсомольский организациас тя тевса аф няфни кодамовок инициатива. Вестеньге эсь собраниясонза та кизефксть ашезе путне, да и собраниятка организациаса 1941 кизоня нинге ашельхть.

Коральков ялгась ёфсикс кодамовок мяль аф шарфни комсомольский организациат ра-

ботанц шири.

ВЛКСМ-нь Ковылкинский райкомти аф шорай варжактомс, и кармафтомс Коральковть сяда серьёзнайста относится тейнза порученнай тевти. Аф шорай тяфта жа варжактомс и лия организациатнень ширес. В частности, «3-й решающий год пятилетки» колхозонь комсомольский организациат работанц лангс. Таса секретарь Кандаев ялгась тяфта жа ширеса ащи колхозть производственной тевонзон эзда. Юкстазень ВЛКСМ-нь ЦК-ть VIII-це пленумонц указанийзон сля колга, што тоса, коса аш первичнай партийнай организациа, комсомольский организациас канды полной ответственность партийть и правительствать мероприятиязон пашкодмасон инкса. Следовательно, «3-й решающий год пятилетки» колхозонь комсомольский организациас, (тоса аш первичнай партийнай организациа), должен играть велеса решающей роль, вникать колхознай хозяйствать сембе деталензонды, путнемс колхознай правления инголи од кизефкт и стак тов. Но тевса тянь Кандаев ялгась нинге аф тиендсы.

Коральков и Кандаев ялгатненди пинге ни шарькодмс тянь и возглавить колхозса оцю урожайнекс тюремать.

Китов,
Балашкин.

Ковылкинский район.

МЕЗЕ ТИЕНДИХТЬ КОМСОМОЛЬСКИЙ ОРГАНИЗАЦИТНЕ?

Мярьгомс, што Од Ямской велесь культурань ширде пняк отеталай—тя ули пняк оцю эльбияткс. Таса ули аф полной средней школа, МТС, 3 комсомольский организациат и ули первичнай партийнай организациавок. Но мярьгомс, што нят организациатне аф сатомшка работайхть населениять ёткса сине культурнай уровеньон нинге сада кеподеманц лангса,—тя виде. Мезьста жа тя няеви? Да вов мезьста: васендакиге, велеса неграмотнайхнен и малограмотнайхнен мархта занятиятнень ёфсикс лоткафтозь. Нльне призывникнен эзда 60 процентс малограмотнай и сятнен ётксовок занятия аф ётафнихть. Велеса ули изба-читальня, конань эса работа ётафневи пняк кржа. Аф эрийхть эсонза живой, интересный беседат, постановкат и докладат.

Башка сави азомс комсомольский организациатнень колга. Комсомольский организациас призваннай воспитывать касыкс поколения коммунизмандуха. Комсомолецне обязат возглавить велеса сембе культурнай мероприятиятнень ётафтомасон. Но ня организациатнень эса тя аш. МТС-нь первичнай организациаса, например, нльне членский взностка комсомолецнень кядьста аф кочксихть и комсомольский собраниятка аф ётафнихть, аф корхтамок ни лия работань колга.

Ня первичнай комсомольский организациатнень руководителснотды эрвийхть учест нят аф сатыксне и сяда товодонь работасот аф полямс сине.

Цыбизов.

Пурдошанский район.

Апак печатлак материалонь коряс

Пурдошанский райононь М. Пашат велеса корреспондентс «Комсомолонь вайгаль» газетать редакцияс сёрмадсь, што М. Пашатонь сельпоста продавецс Абаев И. нарушает советский торговлянь принципт, сон обвешивает и обчитывает покупательхнен. Тя материалт куческ мерань примамс Пурдошанский райторгонь отделъ заведующайнцы.

Материалт колга райторгонь отделонь заведующайс пачфтсь, што сембе няфтьф фактне видет, продавецс Абаев И. валхтф работаста.



СНИМКАСА: Мельчанский райононь Н.-Александровский НСИП-нь ученикне-комсомолецне курькснихть лыжаса. Сембе сине примастъ участия лыжной комсомольский кросса.

Фотосъ Кадикинть.

АНОКЛАЙХТЬ ОЧЕРЕДНОЙ ПРИЗЫВТИ

Минь Краснай Армиянке и Военно-Морской Флотоньке пользовандайхть советский многонациональной народть ширде оцю кельгомаса. Служамс РККА-ть и Военно-Морской Флотть рядсон эса—тя великай почет, ибо Краснай Армияса служба ащи почетнай и священной долгок эрь советский гражданинти. Вов тьякса и 1922—1923-це кизонь шачф граждатне оцю кельгомаса и мялса аноклайхть эсь прыснот очередной призывти.

С.-Синдровский районца лама велень призывникт, ушедомок очередной призывти аноклавать, ётафнихть оцю работа. Сире Рябкинань, Кагорнай Шенина велень призывникне недаяти колмоксть ётафнихть занятия. Занятиятнень вятьсине Халхин-Гол лайт видеса бойнь участникс «За отвагу» медальса награжденнайс Ф. Я. Лещев ялгась. Призыв-

никне ни ётазь строевой подготавливать, винтовкатъ материальной частензон, караульной службань уставть.

Февральть 9-це шистонза призывникнен мархта ётаффт тактический ученият, коса участвондась 37 ломань.

Особенна цебарьста тонафнихть призывникне Н. П. Клоков, И. С. Матвеев, П. З. Зубков, Г. А. Баранов, Н. Ф. Якунин и лама лия ялгатне.

Призывникне тяфтажа оцю мялса занимадайхть обороннай значокненди нормань максомаса.

Дувомок призывной подготавливать оцю политический значеният, Рябка велень призывникне саявь эсь лангзост. Обязательстват и тердезь социалистический соревнованиея. Ново-Зубаревский вельсоветовъ призывникнен.

Ив. Матвеев.

Ст.-Синдровский район.

ПРИЗЫВТЬ САМС ПОЛУЧАМС ПВХО-нь ЗНАЧОКТ

Од Выселка велень призывникне активнайста аноклайхть Якстерь Армияв и Военно-Морской Флоту очередной призывти. Комсомолецнень-призывникнен инициативасон вельде организовандафт различнай оборонно-физкультурнай кружокт. Кружокне недаяти колмоксть ётафнихть занятия. Таса эрь призывникс оцю

мялса занимадай, штоба получамс призывть самс ВС, ПВХО и ГСО значокт.

Комсомолецне-призывникне П. Баранов, Я. Слепцов ялгатне ня кружокнен эса лувондихть отличникос и максихть оцю лезкс отстающей призывникненди.

В. Общев.

З.-Полянский район.

ФИЗКУЛЬТУРНОЙ КРУЖОК

Физкультурнай мероприятиятнень ётафтомасон эса участия школьникненди арась кельгома тевкс. Физкультурась тиендсь ломань дисциплинированнайкс, аккуратнайкс. Тянь аф калдыста шарькодесъ Сире Дракина велень средний школать руководителнза. Школань старшай пионервожатайс Ленушкина ялгась няфтьс оцю инициатива—организовандась тядленъ тонафнема кизотъ омбоце полугодиятц ушедомста физкультурнай кружокт. Комсь ученик кармась аккуратнайста якама занятиятнени.

Кружокть ули занятиятнень ётафтомасон коряс планот. Кружокса занимадондай ученикнен мархта ётафневихть физкультурнай упражненият, акробатический номерхт. Активный участия занятиятнень эса примосихть 8-це классонь ученикатне-комсомолкатне Бобровасъ и Селиверстовасъ.

Якстерь Армиять 23-це годовщианц шиста вечера кружоконь четтне выступат эсь номерсон мархта.

Петрушин,
К. Кожевникова.

Ковылкинский район.

Аф грамотнайхнен аф тонафнесазь

Сире Дракина велеса калдыста ладяф аф грамотность и малограмотность машфтоманц коряс работаста. Тя велеса нинге лама аф грамотнай и малограмотнай ломаньда, конат апак фатякт тонафнемаса. Велень советть исполкомонц

председателец и школань директорс кемокстаф культурмеевнен мельге кодамовок контроль аф вятихть. И аф случайна, што тя тевс катф эсь отям молеманцы.

Н. Китов.

Ковылкинский район.



Сталинть лемса колхозса (Псигансу велеса Кабардино-Балкарский АССР) 45 комсомолец усиленнайста аноклайхть 100 километровой военизированнай лыжной похотти. Похотть пингста сине ётафтыхть тактический занятия и разведка.

(Фотосъ ТАСС-ть).

СНИМКАСА: Комсомолецнень тактический занятиясна.

МОНЬ ОПЫТОЗЕ

(ПОСВЯЩАЮ «ЗАНЯФ» ЯЛГАТНЕНДИ)

Коде бди минь комсомольский собраниясонок обсуждался ВКП(б)-ть историйнц само-стоятельна тонафнеманц колга кизефкс. Собранияса няевсь, што лама комсомолецт эсь идейно-политический уровень-инон кеподеманц лангса аф работайхть, и кой-конат синь эздост эсь бездеятельность-снон ёразь оправданамс эсь «заняф» шиснон мархта. Дес-кать, синь тонафнихть, анок-лайхть урокснон и стак тов. Мондейнярам, сембе тя аф ви-де. И тянь ёраса няфтемс эсь личнай примерозень коряс:

Мон тонафнян Мамолаевань средний школань 10-пе класса (Рыбковский район). Така пингть кандан комсомольский поручениявок — культармеецан, коса недеялти колмокость ётаф-нян занятия. И вов мон ёраса азондомс газетать вельде, ули или аш пинге ВКП(б)-ть исто-рийнц тонафнемс? Азса ин-голькиге, што пингта пяк ла-ма.

Мон планировал эсь пинго-зень. Тя планть коряс мон 16 части модемс ашян школа-са, а тоса аноклан уроксоненди. Тада меле вайман, — морсян гитараса, яван клубу. Тя сем-бе таргасы пингть 20 части модемс. Тада меле 2 части явошнян ВКП(б)-ть историйнц тонафнеманцы. Тяни мон аде-лайн конспектировандамда «ВКП(б)-ть историйнц краткай курсонц» 7-це главнц. Крат-кай курста башка лувондонь

дополнительный материал газе-татнень и журналхнень эзда, использовандакшнеса художест-венная литературат. Лувонь Новиков-Прибойть «Пусима», К. Фельманть «Восстание на броненосце Потемкин» книгас-нон. А 5—7-це главатненди дополнительна лувонь: В. Ива-новть — «Партизаны», «Броне-поезд 14—69», Фадеевть — «Разгром», Д. Фурмановть «Чапаев», «Красный десант» произведенияснон и лама лия художественная и политичес-кая литература.

Тонафнемок ВКП(б)-ть исто-рийнц, разрешил лама кизефкс, конат инголи тейне ульсть аф шархкодевихть. Например, мон ашине сотце инголи, мес имен-на капиталистический мирсь вяти империалистический вой-натненди, и мес российский пролетариатсь сембода инголе ёрдазень эсь сядзасон ланг-ста эксплуататорский клас-сенъ. Тяни нят кизефксненъ колга монь ули яснай и чет-кай понятиязе.

Пингть правильнайста ис-пользовандамац макссь тейне оцю польза и класса тонафне-масонга. Мон прокс машфтыне посредственной отметканень, а тонафнян анычек отлична и цебарьста.

Тя опытозень, мон посвящаю «заняф» ялганенди, конат тянь сюнеда нинге тичимс Краткай куреть кядезостка ашезь сявонде.

И. Матвеев.

„ВИРЬСА ПЕНЬГАТ АШ“


— Школаса кельме, тяти, на-верна, тага занятия аф кар-майхть улема — корхтайхть ко-ридорса Сире-Синдровский сред-ний школань ученикне, конат састь аккуратна занятиянь ушедомати.

И виде, школась сидеста аф ушневи и тя, бта нор-мальной явления. Кинге тя положениас аф беспокоиндак-шнесы, аф РОНО-нь заведую-щайть Флоков ялгать, аф шко-лань директорть. Январьковть 30-це и 31-це шинзон эзда 9-це «А» и 8-це «Б» классненъ

эса занятия атак ётафтт сяс, мес явшама, школат ашезь ушта. И оправданиянди ули «уважительная» причина — пеньгат аш. Тя пяк отражает-ся программнай материалть ётаманцы.

Странна, а мес аф пути школань директорсь инголенза кизефкс: «а мес аш пеньгат?» Минь отвечакшнетяма, што пеньгат аш сяс, мес школань директорсь безответственна от-носится тейнза порученнай от-ветственной тевти.

П. Тултаев.



Прибалтикань од советский республикатнень эса трудовой крестьянствати видемань площадьснон обработандамаса лезк-сонь максоманкса организовандави 115 машинно-тракторнай станция. Латвийский ССР-са 1941-це кизоня должен улемс организовандаф 50 МТС.

СНИМКАСА: Ригаса «ХТЗ» тракторонь выгрузкас.

Фотосъ П. Лампрехть. (Фотосъ ТАСС-ть).

КИРДЬФ 150 ГЕКТАР ЛАНГС ЛОВ

Оцю урожайнка тюремаса, лувомок ловонь кирдемат оцю агротехнический значенинц, Сире Дерган велень «Якстерь тяште» колхозонь колхозникне по-стахановски кярмодсть тя тевти.

Ловонь кирдемаса инь ак-тивной участия примосихть комсомолецне. Синь организо-вандасть специальнай комсо-мольский звенат и кафта шинь пингста кирдсть 150 гектар лангс лов.

И. Столяров.

Рыбковский район.

ПЕРЕМЕНАТНЕ ЙОТНИХТЬ ОРГАНИЗОВАННАЙСТА

Порапа велень аф полный средний школас педагогичес-кий коллективсь цебарьста ор-ганизовандазень переменатнень ётафнемаснон. Переменатнень пингста организовандакшне-вихть коллективной играт, мор-сихть морхт.

Эряви азомс, што тя школа-са аф калдывста ладяф и внешкольной работаске.

Нилеце классонь класснай руководителница Е. П. Уте-шова ялгась иттенди тиенди интереснай беседат. Аф ста-тя класса лама ученик тонаф-нихть анычек отличнайста. Тяфта тонафнема кизоть васен-це полугодиянц аделазь отлич-найста тонафнезь Ануфриева Нюрась, Амашкина Нинась, Д. Чекашкинц и Е. Канайкинц.

Сергин.

Ковылкинский район.

ЛЯМБОНДЕМАТЬ УЧЕМАНЦ СЮНЕДА

Республикаса лама колхост, сувамок XVIII партконферен-циять лемса социалистический соревнованияти, тундань виде-мати анокламаса сатсть цебарь результат. Петезь вельхозин-вентарьснон, сортировандазь видьмоснон, кирдсть паксяса лама лов.

Но кой-кона колхозонь ру-ководительхне передовой кол-хозненъ цебарь работань опы-тснон эряфс аф ётафнесазь. Тянь сюнеда тундань видема-ти анокламаса синь усконихть пула песа.

«Комсомолонь вайгяль» га-зетать юнкорц И. Лобановсь сёрмады (Кецад веле, Темни-ковский район), што «Якстерь партизан» колхозсь тичимс ни-нге ашезь ушед тундань ви-демати анокламать. Сонь вель-хозинвентарец аф анычек атак ремонтнорандак, но коса повсь ёряфста аши ловть ала.

Колхозонь правлениять пред-седателец Якушин ялгась нль-не кодамовок мяль аф шарф-ни тундань видемати анокла-мать шири.

Аф сяда цебарьста аши тевсь Пурдошанский района «Герой труда» колхозсовок, коса председателке работай Анаев ялгась. Цибызов коррес-пондентоньке сёрмады, што тя колхозса тундань видема-ти колга нинге афи арьсихть. Ин-вентарсь аши ловть ала.

Ня колхозонь комсомольский организациятненди эряви тун-дати анокламать ушedomаса арамс организаторке и са-томс сянь, штоба маластонь пингть сембе аф сатыксне ульельхть машффт.

Европаса и Африкаса войнась

(Февральть 13-це шистонза военной действиятнень дневниксна)

Восточная Африкаса, Кере-нать района итальянский частитне бомбардировочнай ави-ациять действиязон вельде тапазь английский войскатнень вии атакаснон. Эритреять се-вер ширесонза англичатне занязь аф оцю населеннай пунктть Эль-Гхенть и атако-вандайхть кафта высотат.

Английский войскатнень лангс, конат действовандахть Северной Африкаса, тись вии налетт германский авиациясь. Тиендсть налетт германский и итальянский авиациятне Маль-тат лангс.

Английский бомбардировщи-кве атаковандазь итальянский аэродромтнень Сицилия ост-рoвса.

Сембе сяда оцю активность няфни авиациясь албанский фронтса. Итальянский самолёт-тне ёряхть бомбат греческий ошненъ, порттнень, войскань ащема васттнень лангс. Англо-

греческий воздушный вийхне-тиендихть противникти сопро-тивления.

Рейтер агентствать соообще-ниянц коряс, Албаниять цент-ральной фронтсонза грекне-кружесазь Тепелене ошть.

Германский вооруженнай вийхне вишкшнесазь актив-ностьснон британский остроф-ненъ района. Германский во-енный корабльхне атакован-дазь английский суднама ка-раванть и ваяфтсть 13 пароход. Германский бомбардировщикне-тисть налет военной значени-яса объекттнень лангс, конат ашихть Темза лийть устьясон-за. Немецненъ дальнотбойнай артиллериясна ляпендезень Южная Англияса военнай объ-екттнень.

Английский авиациясь тись бомбардировка несколько на-селеннай пункт лангс Голан-дияса.

(ТАСС).

АНГЛИЯТЬ И АВСТРАЛИЯТЬ ВОЙНАС АНОКЛАМАСНА

Коде пачфнесы Юнайтед Пресс агентствать корреспонден-тоц Австралиять военно-воз-душнай вийнзон бомбардиро-вщиксна ётафтт английский авиацияти лезксонди Малайяв (Британский колония). Коррес-понденть валонзон коряс, премьер-министрть обязаннос-тензон исполняющайсна Фад-ден аф кунардонь речьсонза азозе, што Тихай океанца вой-нань опасность сембе сяда касонды. Австралиять лангс, корхтай сон, кона аши продо-вольствияса снабжениянь ба-

закс Англияти, возможна, тие-ви нападения. Сяс Австралиясь-активна аноклай войнас.

Домэй Цюсин агентствать-сообщениянц коряс, Дальнай Востокса английский вооружен-най вийхненъ главнокомандую-щайсна маршалс Брук-Понэм февральть 8-це шистонза сасъ Дарвин портти. (Австралия). «Голландский Индиясь и Даль-най Востоксь, — азозе маршалс, — цебарьста аноклафт всякай неожиданности».

(ТАСС).

УИЛКИТЬ ВЫСТУПЛЕНИЯЦ

Займас или арендас оружи-янь максомать колга законо-проектть обсуждениянц пинг-ста, иностраннай тевонь коряс сенатский комиссиять эса кор-хтась Уилкись (США-нь прези-дентонди ингольденъ канди-датсь). Тернемок сенатский ко-миссиять законопроектть из-менения мархта примаманцы, Уилки предложил, штоба Сое-диненнай Штаттне максельхть Англияти эрь ковня 5-ста ся-вомок 10 модемс эсминец. Сонь валонзон коряс, судоход-ствать колавомац аши Англия-ти сембода оцю опасностекс. Англияти эряви лама эсми-нец Атлантический океанца па-роходонзон конвоировандамс.

Уилки азозе, што 1942 ки-

зоня Соединеннай Штаттне кар-майхть ноляма 15-ста сявомок 20 модемс эсминец ковти.

Англиясь, корхтай сяда тов Уилки, тичиень пингть веши Соединеннай Штаттнень шир-де, сембода пяк, эсминецт, па-рохотт и бомбардировщикт. Английский ответственной кру-кненъ эса арьсихть, што Анг-лиясь может кирдемс войнать тундаты и кизоть ётамс, кда сон кирдсьне кядьсонза снаб-жениянь китнень и ванфтемне-открытайста севернай порт-тнень. Уилки корхтась, што-кда Англияти тиеви пораже-ния, то сянь мельге Соединен-най Штаттне улихть таргафт войнати.

(ТАСС).

ФРАНКОСЬ ВАСЕДСЬ МУССОЛИНИТЬ МАРХТА

Иностраннай печатсь пачф-ни Франкоть и Испаниянь иностраннай тевонь министрть Суньберть Италияв самаснон колга. Февральть 12-це шис-тонза Франко васедсь Муссоли-нить мархта. Стефани агент-ствать валонзон коряс, тя ва-седемась фья лаца ладязень «итальянский и испанский пра-

вительстватнень мяльснон ев-ропейский проблематнень кол-га, конат тичиень историчес-кий пингть интересовандасазь-кафьке странатнень».

Франциять ланга ётамста Франко и Суньбер якасть Фран-цузский правительствать гла-ванц маршалть Петэнть шири.

(ТАСС).

Врид. ответ. редакторсь Дм. РОДИН.